

آبونه شرائطی
داخلی، خارجی، هریراچون
سنه لکی (۲۵۰)، آتی آیلانی
(۱۳۰) غروشدر.

نسخه سی ۵ غروش،
سنه لکی ۵۲ نسخهدر

اداره خانه

باب عالی جاده سنده داثره مخصوصه

اخطارات

آبونه بدلی بدیندر

مسئله موافق آثار مع المنویه
قبول اولنور. درج ایدله یین
یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ارباب

اتبعون اهدکم سبیل الرشاد

المجله

۱۳۳۰

دینی، فلسفی، علمی، ادبی، سیاسی هفته لق مجموعه اسلامیه در
صاحب و مدیر مشغول

پنجشنبه

۲۷ محرم ۱۳۳۸

۲۳ تشرین اول ۱۲۳۵

جلد ۱۸

عدد: ۴۴۵

اخطارات

ادرس تبدیلنده آیریجه بش
غروش کوندر لیلیدر

مکتوبلرک امضالری واضح
واو قونماقلی اولسی و آبونه صبره
نومروستی محشوی بولنسی
لازمدر

ممالک اجنبیه ایچون آبونه اولالمرک
آدرسلرینک فرانسزجه ددیازلمسی
رجا اولنور

پاره کوندرلیدیکی زمان نهیه دائر
اولدینی واضحاً بیلدیرلمسی
رجا اولنور

بیورمشدی . حالوکه اونلر بو اطعمه دن بیقهرق شهرلرده بیجه
آلشیدقلری مرچک ، صوغان ، صارمساق کی شیرلی ایسته مه یه
باشلادیلر . بناء علیه حضرت موسایه کلهرک سلوادن بیقدقلری ،
نفسلرینک ایسته دیکی نباتاتی ده احسان بیورمشدی اللهدن نیاز ایتمسی
طلب ایثدیلر . بنی اسرائیلک بو خصوصده اصرار ایتمسی اوئرینه
شهرلردن برینه کیرملرینه و آرزولرینه نائل اولملرینه مساعده اولندی .
بنی اسرائیل بو سفردہ نائل لطف الہی اولدوغی حالده اللہک
نعمتی شکران ایله قارشیلایه جقلرینه بدل آیات الہیہ کفر ایثدیلر .
یحیی ، شعیب ، اسماعیل و ذکریا کی پیغمبرانی بغیر حق قتل ایدنلری
بو کی کثاری ارتکاب ایتمکده بولدیلر . ذاتاً برکرمه حرمانی ارتکابه
باشلا بجه طریق کفره صایلمش اولور . بونک ایچوندرکه بعضی انسانلر
برطافم محذورلرہ دوشمه مک ایچون اوفاق تفک شیردن توقی ایدرلر .
کباردن کندینی قورقارمق ایچون صغاردن اوزاقلاشیرلر . چونکه
نفس هانکی مقامده ایسه اونک یوکسککده باقار . وبوندن طولاییدرکه
هالینجانب اولان انسانلر برپایه کمال احراز ایتمکده اونک وها یوکسککده
رغبث ایدرلر . حالوکه کناہکارلر بر کناہ ایشله دیکه وها بدتری
ایشله مه یه باشلارلر و نهایت بتون ردائل ایله آلوده اولورلر .

ایشته بنی اسرائیل ارتکاب ایثدیکی سیئات ایله یوره کی قاتیلاشهرق
آرتیق اللهدن قورقاز ، تورانی تحریف و قنا تاویل ایتمکدن احتراز
ایتمز اولدیلر . بالعکس کندی تمایلات و شهواته اویمایان یرلری بوس
بتون اونو تمق ایچون طی ایتمک جرات ایثدیلر . الحاصل بونلر بنی
وعصیانلرندہ اوقدرایلری کتیدیلرکه انبیای استخفاف ایدرک اولدوردیلر .
آیات الہیہ کفر ایثدیلر . بناء علیه جناب حق ده اونلری ذلت و مشکته
محکوم قیلدی . ایشته « وضربت علیہم الذلة والمسکنة » آیت کریمه سنک
معناسی بودر .

بونلرک تکالیف الہیہ کی استخفاف ایتملری عصیان وادیسنه صایملری
قولایلاشدیرمش ، بناء علیه مهصیتده اسراف ایدنجه انبیای اولدورمش ،
آیات الہیہ کی انکار ایتمشلردی . جناب حق کتیدیلری امهال ایثدیکی
کورونجه بوس بتون آزارق علناً اجرای عصیانه قالمشملردی . فقط
جناب حق بونلری ذلت و مشکته محکوم ایتمش ، شوکتلری یقمش ،
سلطنتلری تارمار ایتمش ، سائر ملتلری اونلرہ حاکم قیلمشدی .

حضرت مسیحہ خطاباً و آرد اولان « وجاعل الذین اتبعوک فوق
الذین کفروا الی یوم القیامة » آیت کریمه سندن مقصد بنی اسرائیل ایسه
دیمک که قیامت قوبجه قدر بونلر هیچ برسلطنت تأسیس ایدمه یه جک ،
دائماً سفیل و سرکردان یاشایه جقلردر . بز بونلرک سلاله لری ایچنده
اجدادینک وارث ردائل اولانلری کوردک . بونلر هر کسک مالی الک
فاحش فائضلرله غصب ایدرلر ، اوجاق یقمقندن ذره قدر تحاشی ایتمزلر ،
درلو درلو ترور و حیللرله کندیلرله آلیش ویریشده بولنانلری خراب
ایدرلر . نته کم بعضی ملتلر بونلرک بوخالندن عبرتین اوله رق جانلری
وماللری مباح کورمه یه ، یاخود دیارندن قوغمه باشلامشیدر . اون
سنه مقدم روسیه ده بونلر اوله بر فلاکتہ دوچار اولدیلرکه کندیلری
الکسومه یلرله چارناچار آنلرہ مرحت ایتمشدی . بونلرک مسلمانلرہ نلر
یایدقلری بیلمک ایسته یلر تونسلیلرله جزایر لیلرک بونلردن چکدیکفی
تدقیق ایتمسولر . مملکت بر اشغال اجنبیہ معروض قالر قالماز هان
بونلر اجنیلرہ مملکتک بتون اسرایی فاش ایدرلر ، نه وار نه یوق
هیسنی آکلاتیرلر . ایشک غریبی شودرکه بونلر بوکی خیانتلرله هیچ
برشی قازانمازلر . مع مافیه مقتضای جلیتلیری اظهاردن کیری طورمازلر .
طبیعی بونلر بو صورتله اوامر الہیہ عصیانه ، هر کسک حقوقنه تجاوزه
دوام ایتمکده دائماً ذلیل و مسکین قاله جقلردر . فقط الله ایمان ایله
اعمال صالحه یه باشلارلرله هیچ شبهه سز جناب حق اییلرک مکافات
بخش ایدر .

عبدالعزیز جاربسه

حضرت محمد علیه السلامک دینی: اسلام

۱۱

ایمان اجمالینک بر اوچنچی مرتبه سی وها واردرکه اوده مطلوب
اعتقادی بی اوج اساسده خلاصه ایدر . بوده کلینندن صوکره آخرته
ایماندرکه اصول اعتقادک الک مهملرنددر . عالم دیدیکمز شو مجموعه
حادثاتک بر ساعت قناسی اوله جقدر . ارض و سما دیکشه جک ، باشقه
برنشأت خلقت باشلا یه جقدر . بوساعته وبوندن صوکره کی عهد خلقتہ
یوم قیامت ، یوم بعث ، یوم آخر ویا آخرت ، یوم دین ، یوم جزا
دیشلیرکه هربری بر خاصیتنی افاده ایلر . وهربری بر قضیه اعتقادیہ بی
متضمن اولورکه ساعت حقدر . بعث و نشر حقدر . حساب و جزا
حقدر . صراط حقدر . جنت و جهنم حقدر . آخرت تعمیر جله سنی ،

یوم جزا ایسه منهای اوصافی آراءه ایلر . هر ب شاعرینک ایدیکی
کی « و دناهم کادانوا » بز آنلرہ ویردکری جزا کی جزا ویردک .
مصرعنده اولدینی کی . لسان عربده دین ، اعمالک مکافات ویا عقوبتی
ویردک بالمقابلہ تطبیق مسئولیت دیمک اولان جزا معناسنه دخی
قوللانیلدیغنه و بونکونک احکام جزائیہ سنده دنیاده اولدینی کی هیچ
بر نائب متوسطک حیلوت اتمیه رک یالکز و طوغرودن طوغرویه
تدبیر و تصرف الہی تجلی ایدہ جکنه ، تعیر آخرله آنجق الہی مسئولیت
تطبیق اولونه جغه منی بوکا یوم جزا معناسنه یوم دین دینلمش و سورہ
فاتحه ده جناب الله بونک یکانه مالیکی ، ملکی بولوندیغنی (مالک یوم الدین)

آیتله کوسترمش و بعضی آنارده واسماء الهیه میسندده (دیان) اسمی ذکر ایدیلشدر . نته کیم شو حدیث شریف بو معنای متضمندر : (الیر لایلی والذنب لاینبی والدیان لایموت ؛ اعمل ما شئت کما تدین تدان = ایملک چورو منر، کنه اونودولماز، بونلرک مکافات و مجازاتی ویره جک اولان جناب دیان ایسه لایموتدر. آریق، نه آیهتریه ک یاب، یایدیکی بولورسک . یعنی نه معامله یابرسه ک اوله معامله کورورسک.) دیمک که یوم دین فکر وظیفه و مسئولیتک الک بویوک ضمانیدر . بناء علیه بوکا ایمان دینک ارکان مهمه سندن بریدر . فقط بو ایمانک ، بوفکرک تحقیق ایچون معرفه الله شرط اولدینی کی ایمان بالرسولده شرطدر . بوحید الهی به ایمانی اولسانک یوم دینه ایمانی یاغیر ممکندر ویا فائده سزدر . اصلا الله طانیان بر ملحد نظرند بر یوم آخرت ، بر نشأت ثانیه تصویرنه امکان اولسه ده بوراده بویله بر مسئولیت تصویرنه امکان اولدینی کی مثلاً برخیر، بر شر ایچون باشقه باشقه اوله رق ویا دیگر وجوه ایله ایکی ویا دهها زیاده اله طانیان ارباب شرکک ایمانه نظراً برینک حکمیدن دیگرینک آگاه اولماسی ویا اولسه ده راضی اولماسی و بونلره مماثل احتمالات فکریه بولنه بیله چکی و بناء علیه معبودلرک منازعاتی آرمسند حکم مجازاتک عقیم قالمق، فساد اوغراق شهنلری اوپانه جفی ، اساساً تناقضدن باشقه برشی اولیان بر معبودلر جمهوریتی تصور محالی فرضنده دخی مصادمات نفوذک عینی نتیجه ی ویره چکی و بر رئیس نافذه احتیاج . تقدیرنده ایسه توحید ضرورت تعین ایله مش و دیگر اعضالک مرتبه معبودیتده طانیانه لری محض تناقضدن عبارت قالمش اوله جفی درکاردر . ایسته و احتمالات ایچنده یوم دینه اینانق ممکن اولسه ده مسئولیت تحقیق ایدمه چکندن غیر مفیددر . بوتذبذباتک ارتقاعی جناب الله حقنده صحیح و سالم بر ایمان، بر معرفت حقیقه ایدیلش اولسه ، بویسه آنحق توحید ایله قائم بولونمسه منی ایمان یوم دین ، فکر مسئولیت، ایمان بالله موقوف و آنک تحت ضمانتده در . (بونک فرقه واران بعض فیلسوفلر حس مسئولیتی ، یوم جزائی وجود الهی به بر دلیل اتخاذ ایش و وجود الهی به ایمان ضرورتی حس عدالتک ایجاباتندن اولدینی در میان ایلشدر .) [۱]

[۱] همروین طامس شرف اسلام الله مشرف اولدینی زمان قریش کندیسنه بر آدم کوندرمش و آره لرنده شو صورته مناظره جریان ایشدی :

همرو — بر (عربلر) دها فضیلتکارز ، یقه فرس ورومی ؟
عاطلی — بر .

— بری رفاه معیشته مالکیز ، اولنری ؟

— اولنر .

— شو حالده منفعت وفائده دنیا به منحصر اولور و اولنر دنیا ده هروجه بزدن دها مستفید و صرغه بولورلرسه بزم آنلره دن دهها زیاده فضیلتکار اوله مشرک معناسی وفائده سی نه در ؟ دیمک اولیورکه حضرت محمدک ایلره آییکی ، کوتولره کوتولکی مقابلی مکافات و مجازات اولونق ایچون بخت بعدالموت واردر ، سوزی حقدر . ایسته بونقطه سبب ایمان اولشدر .

« اصابه » دن نقل ایتدیکنر شو محاوره دخی یوم آخرتک حس مسئولیتنه استناد ایتدیکنی کوسترر .

ایمان بالله ، ایمان بالآخره نک شرط وضمانی اولدینی کی ، ایمان بالرسولده اوله در . چونکه آخرت هر معناسیله ممکن التصور وحق استدالات و قیاسات علمیه و منطقیه ایله حد اولنک اثباتی قابل ایسه ده وقوعات ماضیه کی وقوعات استقبالیه نک تحقیق دخی فکرندن زیاده اخبار و نقول ایله مرتبه یقینه کله بیله چکندن مجازات و مکافات منتهی برنشئت ناشیه ایمان آنحق مجرب الصدق بر غبر و معلمک ارشادنندن قوت آملق احتیاجه بناء فکراً و فلسفه یالکیز امکانی اثبات ایدیله . بیله جک اولان یوم جزائک وقوع قطعیه سنه ایمان پیغمبره ایمانه متوقفدر که آنی طرف باریدن تبلیغ و صدق تخریبه اعجاز ایله تأیید ایله مش بولونسون .

فیلسوفلرک بعضیلری بقای روح دعواسنی اثبات صورتیه آخرتی اثبات و تحقیقه چالشمشدر . بومشله نک علماً رسیده ثبوت اولمسنده اسلام بر محذور کورمه سه ده اسلامده آخرت بر نشئت ثانیه مسئله سی اولدینی چون بونده نه روحک نه جسمک ناقابل فنا اولوب اولماسنک دکل ، خالق الارواح والاجسام اولان جناب اللهک اذلی وابدی اولسی ، ایجاد اولدن باشقه برده ایجاد ثانی به قادر بولسی مسئله سنک نظر دقته آلمسی لازمدر . بوندن طولاییدر که فلاسفه و صوفیه اسلام بقای روحه استناد ایتک ایتستدکاری حالده متکلمین جسمه برابر ویا جسمندن خیلی صوکره روحک فنا پذیر اوله بیله چکنی و بلکه اولسی لزومی در میان اید . بیلشدر . چونکه (کل شیء هالک الا وجهه) در . مکرکه روح بر شیء عد ایدله سین . ینه بو نقطه دن دولاییدر که فلاسفه اسلامدن ابن سینا عقل و فلسفه نک یالکیز آخرت روحانیه ی اثبات اید . بیلد . یکنی ودها زیاده سنک غبر صادق خبرندن مستفاد اوله رق واجب الایمان بولدینی شفاسنده تصریح ایله مشدر .

دیمک اولیورکه مسئله آخرتده عقل و فلسفه نک یکانه وظیفه سی تحریر امکاندن عبارتدر . اگر موضوع آخرت عقلک قطعیت ریاضیه ایله انکار ایدمه بیله چکی بر موضوع ایسه عقل خبر صادق تأویل مجبوریتدن قورنوله ماز . لکن عقلک بویله بر تحکمه هیچ حق یوقدر . جرات ایدرسه وظیفه سزک ایش اولور . استقبالك نامتناهی حدودنده ظهوره کله جک وقوعاتک خصوصیاتنه شمیدن تام و قطعی برقادرو چیزمک صلاحیتی کندیسنه تسلیم ایتز . بتون عالمک حادثات استقبالیه سی بوکون کشف ایتک شویله طورسون ، جمعیت بشرک ، بر عصر صوکره کی کشفیات بیله تعین ایتک هر عقل ایچون محالدر . بالعکس حیات نباتیه و حیوانیه ده و صناعاتده تجدد امثال ایله مشاهده ایدیلن تکررلره عائد تجربه لری واردر . انشاء اخیر ، انشاء ابتدائیدن صنعت ثانیه ، صنعت اولادن دها قولایدر . کذلک کیمیاچه بر ماده ده متعدد کرملر تشکلات وجودیه ممکندر . بونلر و بونلر کی میلیونلرجه مثالدر ، عقل بشره نشأت ثانیه نک امکانی ، احتمالی تلقین ایدر .

بو امکانی آکلامق ایچون ، بسط مثاللردن کچن عقل ابتدائی ایله ، اینجه و مفصل فنی مثاللردن کچن عقل انتهائیک بویوک فرقی ده

یوقدر . بوندن بشقہ نشأت ثانیہ قارشئ انسانلرک بر میل باطنیلری ده واردر . بو میل انتہاء عمرہ دوغری بر آز دھا شدت کوستربیلیر . عقلک فلسفہک آخرت بایندہ کی قدر رد وانکارہ مساعد اولیوب قبول واثبات امکاندن عبارت قالدینی جہتلہ سادہ عقل و منطق ایلہ آخرتی اثباتہ قالشعق طوغری دکلدر . بونک ممکن اولدیغنی تأملدن سوکرہ وقوعی خبر ویرن مخبرک صدقہ کی درجہ سنی واستناد کاھنی تدقیق ایلہک لازمکیر . انبیاء ذیشانک طوغریاقلری زمانلرنده بالوجوہ تجربہ ایدلمش وحق بتون معارضاتہ قارشئ معجزہ لر اقامہ اولمش بولندیغندن طرف الہیدن وقوع آخرت حقندہ کی تبلیغ لیرنہ انسانماق ایچون آرتق بر وجہ بولنہ ماز . شو قدر کہ تجربہ حالہ ویا لکنز مجربہ اجرای تأثیر ایدہ جکی پیغمبران کرام ایسہ ماضیہ قاریشمش بولندقلری جہتلہ ، عینی تجاربک ، نقول تاریخیہ سی واریسہ بونلرک مرتبہ وثوقلہ برابر تدقیق ایجاب ایدہ جکلدر . مثلاً ، محمد علیہ السلام قرق سنہک عمرندہ دائماً طوغری سوزلی اولدیغنی کوستردکن صکرہ نبوت دعوی ایلہ مش و بر جوق اخباراتہ بولونمش ؛ بونلرک بر قسمی حیاتلرنده بر قسمی وفاتلرندن صکرہ تحقیق ایتمش ؛ واستقبالہ یالکنز آخرت خبرلری قالمشدر . سائر پیغمبرلردہ مسئلہ بویلہ در . آنجق حضرت محمدک حیاتہ متعلق اولان نقول تاریخیہ نک قیمت قطعی ویردیرن وثائق دیکرلرنده بولق ممکن دکلدر . بونکلہ برابر ، حضرت پیغمبرک ، ہر زمان دوام ایدر بر معجزہ سی واردر کہ قرآندر ، قرآن زمان پیغمبریدہ اولدیغنی کئی حالا « ہی انکار ایتک ایچون ، ہی ، حق بر سورہ می تنظیر ایدہ جک بر کتاب یاییکنز (قل فأتوبسورہ من مثله) بتون جمعیت بشریہ طویلانسہ بویلہ فصاحت و بلاغتہ بر قرآن میدانہ کثیرہ مز . دیمش طور مشدر . (قل لئن اجتمعت الانس والجن ... الآية) . بونکونہ قدر اون ددرت عصر یکدیکی حالہ بودعوی تکذیب اولنہ مامشدر . اون ددرت عصر صدق یاشامش اولان بو کلامک متضمن اولدیغنی دعوی ثابت اولمازسہ آرتق عالمہ هیچ بر سوزہ ، هیچ بر تجربہ یہ اینامق احتمالی یوقدر . شو حالہ هیچ بر شی یوقدر . بو کلامک متضمن اولدیغنی دعوی ایسہ : « بر اللہ واردر ، بندہ رسول اللہم . سزہ اللہ طرفندن امرلر ، خبرلر کتیریورم . بونلرہ اینسانمغہ وموجیلہ عمل ایتک مأمورسکنز . استقبالہ برکون واردر کہ ایمانکنزک ، عمللر یکنزک مکافات ؛ کفرکنزک ، عصیانکنزک مجازاتی کورہ جکسکنز . » دعوا سندن عبارتدر .

حضرت پیغمبرک خصوصیات حیاتی ، ذکاسی ، مکارم اخلاقی ، خلاصہ ہر شیدہ استقامتی تماماً ومضبوطاً بیلن وکندیسنہ قرق سنہ وعدندہ صادق محمد امین عنواتی طاقان بر محیطہ نیجہ نیجہ اخبارات غیبیہ سنک گاہ آنندہ ، گاہ بر آز سوکرہ وکام دھا سوکرہ تحقیق ایتمش اولسی کئی معجزات سندن وبونلرہ منظم معجزات مادیہ سندن ، موقیقات عالیہ سندن ہب صرف نظر ایدیلوب دہ « دعوائی یا اقرار ایدیکنز ویا قرآنی تنظیر ایدیکنز » خطابیہ درمیان ایتدیکی واون ددرت عصرلق

تجربہ ایلہ اثبات ایلدیکی بر معجزہ صدق دوشونولہ جت اولورسہ آخرت خبری عجا طوغرومی دیبہ تردد ایلہ مک وهم ووسوسہ مطلقہ دن باشقہ بر شی دکلدر کہ اصل بوکا وسوسہ شیطانیہ اسمی ویرمک یاراشیر . بووهم ووسوسہ قارشئ آنجق بر دوا واردر . اودہ کرک نبوتک وکرک مسئلہ آخرتک امکانی ایضاح ایدہ جک بعض درسلر ویرمکدر . بودرسلری دہ قرآن ویرمش ومطالعہ کائنات ایلہ بوامکانک بولنہ بیلہ جکی کوسترمشدر . بورادن فلسفہ اسلامیہ دہ حدوث عالم مسئلہ سی بر بحث مهم اولمشدر کہ بورادہ بر آز اشارت ایدہم .

محمد محمدی

حقوق عائله و اصول محاکمات شرعیہ

قرار نامہ لری مقننہ ۱۱

هیچ بر مذہبہ جائز اولماز . مذہب مالکیدہ دکل یالکنز زوجک ضررینی تضمین ایتدیرمک ، ایجاب حالہ وقادینک درجہ اسائتہ کورہ حکملر آنک جمیع ماملکی اوزرینہ مخالغہ وتفریق وامر مخالغہ ی مجموع اموالندن واز یکمسنہ تعلیق ایدہ بیلہ جکلری ؛ مصالحہ یہ قادر . اولہ مدقلری صورتہ فی الحال تفریقہ دہ مجبوریتلری اولیوب مناسب کوردکلری حالہ «تفریق ایتہ یہ جکز ، زوجک اطاعت ایدہ جکسک .» حکمنی ویروب آکادہ حسن معاشرت وصبر ایلہ توصیه ایدرک خاللری اوزرینہ ترک ایلکدہ صلاحیتدار اولدقلری ؛ تفریق ومخالغہ صوک چارہ اولقلہ آنی یالکنز حالا دکل ، استقبالاً وابدأ اصلاح بینک ممکن اولمایہ جنی ، مدت مدیدہ تجارب تامہ دن سوکرہ تیقن ایلدکلری ویتدہ اجرا ایدہ بیلہ جکلری ہب کتب فقہیہ لرندہ مذکور ومصرحدہ زوجہ بر نزاع وشقاقہ کیریشنبہ زوجندن آریلہ جق وھیأت حکمیہ نک زوج حقندہ اک بویوک عدالتلری مہرک استردادندن عبارت اولہ جقسنہ اوھیأتک تشکیلنہ حاجت قالماز . زوجہ ابتداسندن مہری اعادہ ایدرم دیبہ بیلیر . بونکلہ مخالغہ لازم اولسہ ، تفریق جائز اولسہ حکمین انتخابی عبت اولق ، مشروع اولماق لازم کلیردی .

دکل زوجاتہ هیچ بر مذہبہ اولیان بویلہ بر صلاحیت ایجاد ایدوب ویرمک ، حکمینک ذکر اولونان صلاحیت واشعہ لری حقندہ کی مذہب مالکی قبول ایلک بیلہ بویوک محاذیری داعیدر . ارباب نقود وغنادن اولان اصحاب اطماعک کوزلرینہ کسیدرکلری کنج وکوزل قادیئلری اغفال وافساد ایدرک نیجہ فقرا عائله لرینک بریاد وپریشان اوللرینہ سببیت ویرر .

واقعا اهل اسلام قادیئلری فحش ارتکاب سندن خوف وعار ایدرلر ، قبول ایتزلر . لکن کنج یاشندہ بالطبع رفاهیت آرزو ایدن بر فافلہ یہ زوجندہ کورمندیکی بر نعمتہ نائل اولہ جنی ، ارباب ثروتدن بارلاق

[۱] بوبحثک اوست طرفی ۴۳۹ نجی نسخہ دہ در .